

MINISTARSTVO UNUTRAŠNJIH POSLOVA KANTONA SARAJEVO, Sarajevo Ul. La Benevolencije broj 16, koje zastupa ministar Admir Katica, (u daljem tekstu: Ugovorni organ) i

Silver Trend d.o.o. Mostar, ulica Kardinala Stepinca bb – Mepas Mall, Mostar, ID broj 4227233750009, koje zastupa direktorica Mirjana Čutura, (u daljem tekstu: Dobavljač)

zaključili su: **Ugovor o nabavci satova za penzionere Ministarstva unutrašnjih poslova Kantona Sarajevo**

Član 1.

Predmet ovog ugovora je nabavka četrnaest ručnih satova za penzionere Ministarstva unutrašnjih poslova Kantona Sarajevo u skladu sa ponudom prodavca od 26.11.2024. godine, koja čini sastavni dio ovog ugovora.

Nabavka je izvršena putem direktnog sporazuma, na osnovu Odluke broj 04-1-11-4-60514/24 od 29.11.2024. godine.

Član 2.

Ukupna vrijednost Ugovora iznosi bez PDV-a 5.577,42 KM (slovima pethiljadapetstotinasedamdesetsedam i 42/100 KM)

Dobavljač se obavezuje na nepromjenjivost ponuđenih cijena tokom cijelog ugovorenog perioda.

Član 3.

Dobavljač se obavezuje da će izvršiti isporuku predmeta nabavke u roku 30 (trideset) dana od dana potpisivanja ugovora.

Član 4.

Dobavljač se obavezuje da će izvršiti graviranje pločica uz isporučene satove prema tekstu koji Ugovorni organ dostavi a u skladu sa važećim Pravilnikom.

Član 5.

Ugovorne strane su saglasne da će se za isporučene satove, plaćanje izvršiti u roku do 30 (trideset) dana od dana dostavljanja fakture.

Član 6.

Garantni rok za isporučene satove iznosi 24 mjeseca od dana isporuke i dostavljanja fakture.

Član 7.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u ugovoru pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Svaka od ugovornih strana može otkazati ovaj ugovor u pismenoj formi, a otkazni rok je 15 (petnaest) dana iz razloga koji su utvrđeni Zakonom o obligacionim odnosima.

Član 9.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 10.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova utvrđuje se nadležnost Suda u Sarajevu.

Član 11.

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti.

Član 12.

Ugovor je sačinjen u 4 (četiri) istovjetna primjeraka, od kojih Ugovaratelj osiguranja zadržava dva (2), a Osiguravatelj dva (2) primjerka.

DOBAVLJAČ
„SILVER TREND“ d.o.o.

direktor, Mirjana Cutura

Datum: 20.12.2024.
Broj: _____

